



BOSNIA AND HERZEGOVINA
COUNCIL OF MINISTERS
DIRECTORATE FOR ECONOMIC PLANNING

Broj: 04-16.5-302-5/16
Sarajevo, 22.12.2016.godine

Na osnovu člana 100. stav 3. Zakona o javnim nabavkama Bosne i Hercegovine ("Službeni glasnik BiH", broj: 39/14), rješavajući po žalbi ponuđača "Centrotans – eurolines" d.d. Sarajevo broj: 1/16651/16 od 19.12.2016. godine, podnesenoj Direkciji za ekonomsko planiranje Vijeća ministara Bosne i Hercegovine na tendersku dokumentaciju broj:04-16.5-302-2/16 od 14.12.2016.godine u postupku javne nabavke za nabavku usluga: "Pružanje usluga posredovanja izdavanja aviokarata", d o n o s i m:

R J E Š E N J E
o usvajanju žalbe

1.Usvaja se žalba ponuđača „Centrotans–eurolines“ d.d. Sarajevo, podnesena Direkciji za ekonomsko planiranje Vijeća ministara Bosne i Hercegovine na tendersku dokumentaciju broj:04-16.5-302-2/16 od 14.12.2016. godine u postupku javne nabavke za nabavku usluga: "Pružanje usluga posredovanja izdavanja aviokarata", kao osnovana.

2. Tenderska dokumentacija broj:04-16.5-302-2/16 od 14.12.2016.godine i Okvirni sporazuma o nabavci usluga izdavanja aviokarata u postupku javne nabavke za nabavku usluga: "Pružanje usluga posredovanja izdavanja aviokarata",mijenja se na način:

Član 2.5. tenderske dokumentacije mijenja se i glasi:

" Pružalac usluga se obavezuje da osigura alternativne rute prema traženim destinacijama, te je dužan Ugovornom organu da ukaže na sve moguće posljedice u slučaju otkazivanja, propuštanja kao i izmjene leta. U slučaju da Ugovorni organ otkáže putovanje 24 (dvadesetčetiri) sata prije vremena leta ili u vremenu dužem od 24 sata Pružalac usluga će zaračunavati troškove Ugovornom organu u skladu sa Pravilom tarife koju će dostaviti uz svaku izdanu kartu. "

Član 6. stav (2) Okvirnog sporazuma mijenja se i glasi :

"Pružalac usluga se obavezuje da osigura alternativne rute prema traženim destinacijama, te je dužan Ugovornom organu da ukaže na sve moguće posljedice u slučaju otkazivanja, propuštanja kao i izmjene leta. U slučaju da Ugovorni organ otkáže putovanje 24 (dvadesetčetiri) sata prije vremena leta ili u vremenu dužem od 24 sata Pružalac usluga će zaračunavati troškove Ugovornom organu u skladu sa Pravilom tarife koju će dostaviti uz svaku izdanu kartu."

3.Produžava se rok za preuzimanje tenderske dokumentacije do 04.01.2017.godine,a rok za dostavljanje ponuda do 10.01.2017.godine po obavještenju na portalu javnih nabavki broj:1107-7-2-16-3-2/16 od 14.12.2016.godine.

4. Ovo Rješenje stupa na snagu danom donošenja.

O b r a z l o ž e n j e

U skladu sa članom 87. stav 2 i članom 88.stav 2 Zakona o javnim nabavkama BiH ("Službeni glasnik BiH", broj 39/14), Direkcija za ekonomsko planiranje Vijeća ministara Bosne i Hercegovine (ugovorni organ) donijela je Odluku o pokretanju postupka nabavke usluga: Pružanje usluga posredovanja izdavanja aviokarata broj:04-16.5-302-1/16 od 13.12.2016.godine. Direkcija za ekonomsko planiranje Vijeća ministara Bosne i Hercegovine je za svoje potrebe na portalu javnih nabavki objavila obavještenje broj:1107-7-2-16-3-2/16 od 14.12.2016.godine o nabavci usluga:"Pružanje usluga posredovanja izdavanja aviokarata". Zainteresovani ponuđač „Centrotans-eurolines”d.d. Sarajevo obratio se putem maila dana 15.12.2016. godine sa zahtjevom za dostavljanje tenderske dokumentacije, koja mu je dostavljena 16.12.2016.godine putem maila dana 16.12.2016.godine. Direkcija za ekonomsko planiranje Vijeća ministara Bosne i Hercegovine je

dana 19.12.2016. godine zaprimila žalbu broj: 1/16651/16 od ponuđača „Centrotrans-eurolines” d.d. Sarajevo podnesenu Direkciji za ekonomsko planiranje Vijeća ministara Bosne i Hercegovine na postupak javne nabavke za nabavku usluga:

“Pružanje usluga posredovanja izdavanja aviokarata” tenderska dokumentacija broj: 04-16.5-302-2/16 od 14.12.2016. godine. „Centrotrans-eurolines” d.d. Sarajevo, te u navedenoj žalbi ističe sljedeće:

-na strani 2, tačka 2.5 tenderske dokumentacije broj: 04-16.5-302-2/16 od 14.12.2016. godine i članu 6. stav 2 Okvirnog sporazuma o nabavci usluga izdavanja aviokarata u postupku javne nabavke za nabavku usluga: “Pružanje usluga posredovanja izdavanja aviokarata” navedeno je da „U slučaju da ugovorni organ otkaže putovanje 24 sata prije vremena leta, pružalac usluga sa kojim bude zaključen okvirni sporazum neće zaračunavati nikakve troškove ugovornom organu za pravovremeno otkazan let”.

-da izdavanjem avio karte ugovorni organ prihvata sve uvjete tarife karte, jer sama karta predstavlja ugovor između aviokompanije i putnika, jer sama karta predstavlja ugovor između aviokompanije i putnika.

-da se ne može odrediti vremenska granica do kada je moguće izvršiti refundaciju iznosa karte

-da se žalba podnosi iz razloga što određene postavljene uvjete ponuđači nisu objektivno u mogućnosti ispuniti, jer pripadaju domenu na koji ponuđači nemaju uticaj, a neki uslovi su i u suprotnosti sa pozitivnim zakonskim odredbama.

-da je svaka izdata avio karta sama po sebi ili refundabilna ili nije, te se ne može odrediti rok, u kojem je moguće izvršiti refundaciju karte.

-da ukoliko ugovorni organ otkaže kartu koja nije refundabilna 24 sata prije putovanja biti će u obavezi platiti cijeli iznos karte, a pružalac usluga ugovornom organu će zaračunati troškove u visini iznosa karte.

Na osnovu navedenog podnosilac žalbe predlaže da se žalba uvaži te izvrši izmjena tenderske dokumentacije i Okvirnog sporazuma o nabavci usluga izdavanja aviokarata u skladu sa navedenom primjedbom.

Prije nego se upustio u meritorno odlučivanje ovaj organ je pristupio provjeri formalnih pretpostavki za ulaganje prigovora, koje moraju biti ispunjene i, kako bi se uopće i pristupilo rješavanju, odnosno na dopuštenost, pravovremenost i je li prigovor izjavljen od ovlaštene osobe, te je utvrdio da je prigovor dopušten, blagovremen i izjavljen od ovlaštene osobe.

Žalba je osnovana iz sljedećih razloga :

Kupovinom avio karte ugovorni organ prihvata sve uvjete tarife karte, jer sama karta predstavlja ugovor između aviokompanije i putnika, odnosno da ugovorni organ prihvata sve obaveze i prava koja su prikazana kao pravila tarife. Ugovorni organ, niti ponuđač kao posrednik u kupovini karte, ne može odrediti vremensku granicu do kada je moguće izvršiti refundaciju iznosa karte. Svaka izdata avio karta je sama po sebi ili refundabilna ili nije, te se ne može odrediti rok, u kojem je moguće izvršiti refundaciju karte. Dakle ukoliko ugovorni organ otkaže kartu koja nije refundabilna 24 sata prije putovanja biti će u obavezi platiti cijeli iznos karte, a pružalac usluga ugovornom organu će zaračunati troškove u visini iznosa karte. Otkazivanjem karte koja nije refundabilna ugovornom organu se zaračunavaju svi troškovi bez obzira da li je let pravovremeno otkazan ili ne.

Cijeneći navedeno činjenično stanje, ugovorni organ je konstatovao da postoje uslovi za izmjenu tenderske dokumentacije broj: 04-16.5-302-2/16 od 14.12.2016. godine u postupku javne nabavke za nabavku usluga: “Pružanje usluga posredovanja izdavanja aviokarata” Direkcije za ekonomsko planiranje Vijeća ministara Bosne i Hercegovine.

Pouka o pravnom lijeku:

Protiv ovog Rješenja može se izjaviti žalba Uredu za razmatranje žalbi u skladu sa članom 100. stav 4 Zakona o javnim nabavkama BiH, u roku od pet dana od dana prijema ovog Rješenja, putem Direkcije za ekonomsko planiranje Vijeća ministara Bosne i Hercegovine..

DOSTAVITI:

1. podnositelju prigovora
2. ponuđačima u postupku
3. a/a

